

Bukit Selambau: Calon PKR lancar manifesto pilihanraya

Malaysiakini.com

Apr 1, 09

Low Chia Ming

Calon PKR dalam pilihanraya kecil DUN Bukit Selambau, S Manikumar akan melancarkan manifesto pilihanraya.

Pengarah Strategi PKR, Saifuddin Nasution berkata, tumpuan diberikan kepada usaha mengurangkan kadar jenayah dan memperbaiki infrastruktur di kawasan tersebut.

Menurutnya, kajiselidik yang dijalankan oleh PKR terhadap sentimen pengundi di situ, menunjukkan 20 peratus pengundi lebih kluatir terhadap kadar jenayah.

Manakala 12 peratus pengundi lagi prihatin terhadap kekurangan infrastruktur di Bukit Selambau.

Saifuddin juga berkata, pilihanraya kecil tersebut merupakan satu referendum terhadap populariti bakal Perdana Menteri, Datuk Seri Najib Tun Razak dan Presiden MIC, Datuk S Samy Vellu.

"Populariti Najib juga kurang. Sokongan di kalangan orang Cina tidak sampai 20 peratus.

"Oleh itu, pilihanraya kecil ini juga merupakan satu referendum terhadap moral dan masa depan politik Najib," tambahnya.

Sebaliknya, kata Saifuddin, kaji selidik PKR mendapati Ketua Umum PKR, Datuk Seri Anwar Ibrahim secara konsisten, mendapat 38 peratus sokongan pengundi Melayu.

Copyright © 1999-2007 Mkini Dotcom Sdn. Bhd.

<http://www.malaysiakini.com/news/101421>